

Headline	COVID-19: PERHILITAN, FRIM tutup sementara kemudahan		
MediaTitle	Utusan Borneo Sabah		
Date	06 Oct 2020	Color	Black/white
Section	General News	Circulation	11,223
Page No	10	Readership	33,669
Language	Malay	ArticleSize	88 cm <sup>2</sup>
Journalist	N/A	AdValue	RM 179
Frequency	Daily (EM)	PR Value	RM 536



## COVID-19: PERHILITAN, FRIM tutup sementara kemudahan

**KUALA LUMPUR:** Jabatan Perlindungan Hidupan Liar dan Taman Negara (PERHILITAN) memaklumkan penutupan sementara kesemua kemudahan awam kelolaan jabatan itu bermula hari ini hingga diberitahu kelak.

PERHILITAN dalam satu kenyataan semalam menjelaskan langkah itu diambil bagi mencegah penularan gelombang ketiga pandemik COVID-19 yang kini melanda negara.

Kemudahan yang terlibat adalah Paya Indah Wetlands (Selangor), Taman Negara Kelantan, Kuala Koh (Kelantan), Taman Negara Pulau Pinang dan Taman Negara Terengganu, Tanjung Mentong (Kenyir).

Di Pahang, kemudahan yang terlibat adalah Pusat Konservasi Gajah Kebangsaan, Kuala Gandah, Taman Negara Pahang, Sungai Relau, Merapoh, Taman Negara Pahang, Kuala Tahan dan Tapak RAMSAR Tasek Bera.

Selain itu, semua Pusat Konservasi Hidupan Liar dan Pusat Menyelamat Hidupan Liar turut terlibat dalam penutupan itu, menurut kenyataan itu.

Maklumat lanjut boleh didapati dengan menghubungi Talian Aduan Hotline Perhilitan di 1-800-88-5151 yang beroperasi dari jam 8 pagi hingga 6 petang setiap hari.

Sementara itu, dalam kenyataan berasingan, Institut Penyelidikan Perhutanan Malaysia (FRIM) pula memaklumkan penutupan sementara Taman Botani Kepong dan 'Forest Skywalk' bermula semalam hingga diberitahu nanti. — Bernama